


# Illoqarfiup iluanut pilersaarut **D6**

*Iliveqarfik nutaaq*



**Paamiut Kommuneat**

December 2006

*Siunnersuut "Illoqarfiup ilaanut pilersaarut D6 - lliveqarfik Nutaaq" Kommunalbestyrelsemit akuersissutigineqarpoq ulloq 29.03.2007, siunnersuullu matumuuna avammut saqqummiunneqarpoqpiffissami matumani:*

**25.05.2007 - 09.07.2007**

*Pilersaarummut siunnersuut piffissami matumani mississuataarneqartussanngorlugu Kommunip allaffiani Paamiuni saqqummiunneqarpoq. Siunnersuut aammattaaq Naalakkersuisunut nassiunneqarpoq.*

*Piffissami tassani pilersaarummut siunnersuummut oqaaseqaatinik nassitsisoqarsinnaa-voq. Taakku kingusinnerpaamik 09.07.2007-imi Teknikkumut Avatangiisinullu allaffeqarfimmu nassiutissapput:*

**PAAMIUT KOMMUNEAT**

**POSTBOKS 93  
3940 PAAMIUT**

*Pilersaarummut siunnersuut saqqummiunneqarpoq siunnersuutip "Kommunip pilersaarutaanut tapiliut nr.3 - Immikkoortoq nutaaq D6 lliveqarfimmu nutaamut atuuttussaq"-p avammut saqqummiunneqarneranut atatillugu.*

## 1. NASSUIAAT

### 1.1 Illoqarfiup ilaanut pilersaarutip imai

Illoqarfiup ilaanut pilersaarut marlunnik immikkoortorta qarpoq:

- *Nassuiaat*, tassani nassuiaatigine qarpoq, illoqarfimmut pilersaarut sunaanersoq, taassumalu suliarineqarneranut malittarisassat suunerinik. Tamakku saniatigut nassuiaat ima qarpoq pilersaarusiernerup tunngavilersuutaanik kiisalu siunertaanik, pilersaarutip allanut illoqarfimmi pilersaarutitut attuumassuteqarneranik naggataagullu pilersaarutip inatsisitigut sunniutaanik nassuiaanermik ima qarlungi.
- *Immikkoortoq malittarisassanik imalik*, tassani illoqarfimmut pilersaarummi siunissami immikkoortup pineqartup atugaanissaanut aaliangersakkat pituttorsimasut sanaartormullu malittarisassat aaliangiiffigineqarneri. Immikkoortoq aammattaaq Kommunalbestyrelsip akuersissutaanik uppersaammik atsiukkamik ima qarpoq.

### 1.2 Illoqarfimmut pilersaarut suua?

Illoqarfiup ilaanut pilersaarummi Kommunalbestyrelsep immikkoortup erseqqinnerusumik killilersugaasup siunertanut sunut atoqqusaaneranut aammalu immikkoortumi sanaartukkat, aqqusernit assigisaallu qanoq ilusilersorneqarnissaanut malittarisassiat aalajangersaavigai.

Pilersaarusiorneq pillugu inatsit najoqqutaralugu Kommunalbestyrelsep sanaartukkanut anginerusunut imaluunniit pingaaruteqarnerusunut nunaminertamik inniminniinginnermi illoqarfiup ilaanut pilersaarusiorsimasoqarnissaa isumagisartussaavaa. Tamatumunnga siunertat ilaatigut tassaapput illoqarfimmut tunngatillugu ineriartortitsineq pilersaarusiukkamik tunngaveqartinnissaat, aammalu innuttaasut kommunep pilersaarusierneranik ilisimasaqartillugillu sunniiffiginnissinnaanissaannut periarfissiinissaq.

Illoqarfiup ilaanut pilersaarutip atuutilinginnerani Kommunalbestyrelsep illoqarfiup ilaanut pilersaarummut siunnersuut minnerpaamik sap. akunnerini arfinilinni tamanut saqqummiuttussaavaa, taamaalillutik innuttaasut, pisortat qullersaqarfii soqutiginnittullu allat pilersaarummut siunnersuummut oqallissinnaallutillu oqaaseqaatinik imaluunniit allannguutissatut siunnersuutinik nassitsinnaaniassammata.

Tamanut saqqummiussiviusup kingorna oqaaseqaatit allannguutissatullu siunnersuutit takkussimasut, siunnersuutip naggataarutaasumik akuersissutiginginnerani Kommunalbestyrelsep naliliiffigissavai.

### 1.3 Illoqarfiup ilaanut pilersaarutip tunuliaqutaa

Maassakkut illoqarfiup iliveqarfiani initussuseq annertuallaarunnaarpoq, tamannalu pillugu Kommunalbestyrelsip aaliangiuppaa nutaamik nunatamik iliveqarfinngortitsinissaq.

Iliveqarfittaassaq illoqarfiup kujasinnerusuanut Kirkegårdsvej-ikkut kujammut-kangiatungaanut inissikkusunneqarpoq soorlu assimi siunnersuutip saqqaani takuneqarsinnaasut.

Iliveqarfik narsaaminertani qaqqanit minnerumaanit kusanartumik ungalusimaneqassapput, soorlu Paamiut illoqarfiat avataaniit isigalugu aamma taamaattoq.

Qaqqanertat nunaannartut isikkoqartuaannarnissaat kissatigineqarout, taamaasilluni iliveqarfik immikkoorluinnartut inussiorfiunngitsutullu nunami eqqissisimasumi, nunatap aserorterneqarsimangitsup pukkinerpaaffianiinnissaa qaqqanertanit ungalusimalluni issaaq. Taamaasilluni iliveqarfik pingaartorsiornartumik eqqissinartumillu misiginartuulluni inissismassaaq.

Iliveqarfiup ilusilersornerani ilivit ataasiakkaat iliorarsimassapput aaliangersimasoq iliorariaaseq malillugu, - qaqqortunik qalipassimasunik qisunnik ungalullugit - kipparilluinnartumik killeqarfilimmik, taamaasilluni iliveqarfiup nunataata inissisimaffia erseqqilluinnassalluni.

Iliveqarfik ilivillu tassaaniittussat taamaasillutik erseqqarilluinnassapput nunami eqqaanilu tamarmi takuneqarsinnaallutik soorlulusooq ilagisat toqoreersut eqqaanneqaatissaattut tamanut takussutissaassallutik.

Iliveqarfiup kangimut-kitaata tungaaniinnera - kangerlummum kusanartumut isikkiveqarnerata qaqqallu kitaanut kiisalu kangiata seqernup nuiartortarfiata tungaaniinnerata aamma toqoreersunut ataqqinninnermik kingullermik takutitsiffiginnertut paasineqarsinnaassasoq neriuutigineqarpoq.

#### **1.4 Illoqarfiup ilaanut pilersaarutip siunertaa**

Illoqarfiup ilaanut pilersaarutip siunertaraa isumannaassallugu:

- nunaminertanik nutaanik ilveqarfissamut atugassanik tunniussisoqarnissaa
- iliveqarfik kusanartumik pingaartorsiornartumillu inissisimalernissaa anguniassallugu kiisalu ilusilersorsimanermini nunatamik kusanartumik ungalusimaneqarnissaa isumannaassallugu.

#### **1.5 Illoqarfiup ilaanut pilersaarutip pilersaarutinut allanut attuumassuteqarnera**

Illoqarfiup ilaanut pilersaarut kommuniq pilersaarutaanut tamkkiisumik akornutaassanngilaq.

Immikkoortoq pineqartoq, iliveqarfimmum nutaamut atugassanngortinniarneqartoq, kommuniq pilersaarutaanut ilaannginnera pissutigalugu kommuniq pilersaarutaata pingaarnertut ilusaa, allineqartariaqassaaq, taamaasilluni illoqarfiup pilersaarutaani immikkoortoq kommuniq pilersaarutaanut ilaalerniassammat.

Siunersuummi *“Kommunep pilersaarutaanut tapiliut nr. 3 – Immikkoortoq nutaaq D6 iliveqarfimmum nutaamut atugassaaq”*, immikkoortup kommuniq pilersaarutaanut ilanngunneqarnissaanut siunnersuut taamaasilluni avammum saqqummiunneqarpoq uuma illoqarfiup pilersaarutaanut siunnersuutip avammum saqqummiunneqarneranut atatillugu.

Kommunep pilersaarutaanut tapiliut Kommunalbestyrelsemit akuersissutigineqassaaq, kiisalu aamma Naalakkersuisunit akuerissutigineqarsimassalluni illoqarfiup ilaanut pilersaarutip atuutilinnginnerani.

#### **1.6 Illoqarfiup ilaanut pilersaarutip inatsisitigut sunniutai**

Illoqarfiup ilaanut pilersaarutip immikkoortup erseqqinnerusumik killilerneqarsimasup siunissami atugaanissaa naleqqussartarpaa.

Illoqarfiup ilaanut pilersaarummut siunnersuutip tamanut saqqummiunneqarsimasup oqaluuserineqarsinnaanera isumannaarniarlugu *inatsisitigut sunniutaagallartunik* taasanik aalajangersaasoqarsimavoq.

*Inatsisitigut sunniutaagallartut.* Illoqarfiup ilaanut pilersaarummut siunnersuutip immikkoortortaata killingata iluani sammisanik innuttaasut pilersaarusiornermik sunnuteqarnissaannik ajornartorsiortitsisunik, imaluunniit illoqarfiup ilaanut pilersaarutip atuuttunngortussap imarisaanik sioqqutsilluni suliarinnittunik aallarniisoqaqusaanngilaq.

Oqaaseqaateqarsinnaanermum piffissarititap naanerata kingorna pissutsit immikkut ittut atuutsillugit sammisanik, illoqarfiup ilaanut pilersaarutip malittarisassiaanik malinnittunik akuersissuteqartoqarsinnaavoq.

Inatsisit malillugit sammisat pioreersut taamaatsillugit ingerlatiinnarneqarsinnaapput.


*Inatsisitigut sunniutaasut aalajangiussat.* Illoqarfiup ilaanut pilersaarutip akuerisaasup immikkoortortaata killeqarfiata iluani sammisanik illoqarfiup ilaanut pilersaarutip malittarisassaanik unioqqutitsisunik aallarniisoqaqusaanngilaq.

Pissutsit immikkut ittut atuutsillugit allannguutaasunut pingaaruteqannginnerusunut immikkut ittumik akuersissuteqartoqarsinnaavoq. Allannguutaasut pingaaruteqarnerusut suliarineri sioqqullugit nutaamik illoqarfiup ilaanut pilersaarusiortoqarnissaanik piumasaqaateqartoqarpoq. Immikkullu ittumik akuersissutit

eqqaamiorisanut sunniuteqassasorineqarpat, pinngitsoorani eqqaamisorisat tusarniarneqassapput minnerpaamik sap.ak. marlunnik sivisussusilimmik.

Inatsisit malillugit sammisat pioreersut taamaatsillugit ingerlatiinneqarsinnaapput.

*Pinngitsaaliissummik nuutsitsineq.* Pisariaqartitsisoqartillugu illoqarfimmut pilersaarummik nammasinninniarnermi, pinngitsaaliissummik inatsisit malillugit pineqartumut taarsiissutitalimmik illumik piginnikkunnaarsitsisoqarsinnaavoq



## **2. ILLOQARFIMMUT PILERSAARUTIP MALERUAGASSARTAI**

*Nunaminertanik atuineq aamma pilersaarusiorneq pillugit Namminersornerullutik Oqartussat Nalunaarutaat nr. 23, 18. novembari 1992-imeersumi, kingusinnerusukkut allannguutit ilanngullugit §18 najoqqutaralugu illoqarfiup iluanut pilersaarummi immikkoortumut pineqartumut malittarisassat makku aalajangersaavigineqarput:*

### **§1 Illoqarfimmuut pilersaarutip siunertaa**

- 1.1 "Illoqarfiup iluanut pilersaarut D6 – *Iliveqarfik nutaaq*" isumannaassallugit siunertarai:
- illoqarfiup ilaani iliveqarfimmuut atugassamik siunertamut nunatamik piorsaasoqarnissaa isumagissallugu,
  - aammalu iliveqarfik kusanartumik ataqqinartumillu inissisimanissaanik kiisalu nunaannarmi innarlerneqanngitsumi inissisimanissaata isumannaarnissaa.

### **§2 Immikkoortup killilersimanera**

- 2.1 Illoqarfiup iluanut pilersaarutip immikkoortortaa killeqassaaq nunap assingasut bilag 1-mi takuneqarsinnaasoq.

### **§3 Immikkoortup atugaanera**

- 3.1 Immikkoortoq taamaallaat iliveqqarfittut tassungalu tunngasunuinnaq atorineqassalluni.

### **§4 Sanaartuinerit**

- 4.1 Immikkoortoq sanaartuiffigeqqusaanngilaq.

### **§5. Aqquserngit pisuinnaallu aqutaanut billinulu inissiisarnernut tunngasut**


- 5.1 Immikkoortumut motorilinnik angallatinik (biiliniq) taamaallaat tikinneqarsinnaassaaq Kirkegårdsvej – ikkoornikkut.
- 5.2 Iliveqarfimmuut atasumik pisariaqartunik biiliniq inissiisarfirmik pilersitsisoqassaaq, Kirkegårdsvej-imi biiliniq uninngatitsisarneq pinngitsortinniarlugu.

### **§6. Iliveqarfiup nunataa**

- 6.1 Iliveqarfiup nunataa suliarineqarnermini nunaannartut saligaatsuulluni allanngortineqarsimanngitsutullu isikkoqartinneqassaaq.
- 6.2 Nunaminertani, nunamit naasut imaluunniit nunat qaavisa isikkui qaartitsinikkut imaluunniit nunakkut piorsaanikkut aserorneqarsimasut ilusimittut isikkoqalernissaat isumagineqassaaq.

### **§7. Imikuaianeq**

- 7.1 Imeq atornikoq kuuginnartoq kussianut kuutsinneqarsinnaasunngortinneqassaaq imaluunniit kuuffinnut ingerlatinneqassalluni.



Nunap assingata bilag 1-a – Titartagaq pingaarneq (saqqaa takusiuk) angissusaa 1:5000. Angissusaanit tigusaq 1:1250

1 – nunataq ilivernik eqimattakkuutaanut 10-nik tamarmik 20-nut ilivernik inissallit akornisigullu aqutissat

2 – ornigunnermi tikiffissaq bilinut iniissiisarfittalerneqarsinnaasoq

3 – nunataq sanaartorfiunngitsoq ungalunik qaortunik ikkussuiffigineqarsinnaasoq

4 – illoqarfiup pilersaarutaani immikkoortoq kommunep pilersaarutaanut immikkoortoq D6-mut attuumavoq

### **AKUERSISSUTIGINEQARNERATA ATSIORNERA**

Siunnersuut manna "Illoqarfiup iluanut pilersaarut D6 – Iliveqarfik nutaaq" akuerissutigineqarluni avammut saqqummiussassanngortinneqarpoq Paamiut Kommunalbestyrelseanit ulloq 25.05.2007.

Borgmesteri Lars Sørensen

Kommunaldirektøri Heidi Jakobsen